

康熙三十七年

陈欲达修

郭紫宸纂

四会县志
(一)

重修四會縣志序

今夫事之歷千百世而不磨予
億萬衆而不疑者莫如史與志
也然大要所載不越乎土地人
民政事此三者誠國之大寶也
其必先言土地者何爰以田園

漆林隸於斯川原陵谷載於斯
因之則壤成賦於斯而且水恠
山竒幽泉洞壑盤結萃秀往往
忠孝節義高人名士以及僊流
釋侶皆挺生特出於斯則不有
土地其能國乎此輿志與信史

而竝重矣今我

朝四海一家島嶼之外來享來王土
地之式廓人民之殷繁百代而
下曠見罕邁恭逢

皇上亶聰天授立綱陳紀創制顯庸
其規模之宏遠洵稱世法世則

如洪範所云皇建其有極者也
萬幾之暇尤

嘉意右文比來

大廷之內既集儒臣纂修實錄以成

信史復

敷外省郡邑修輯通志務期搜括無

遺蓋欲遐陬蠻域山川形勢建
置沿革人物風景可按籍而考
披圖而得以成車書一統之大
觀耳若四會壤地徧小彈丸蟻
封加以兵燹之後水旱頻仍更
苦虛糧包賠余自承乏以來目

擊瘡痍繪圖以告如基圍潰決
幸蒙

督臺吳公捐俸修築民之旱潦無

虞也稅畝虧額見奉

撫軍朱公檄行清丈民之經界可

正也

兩臺功在一時澤及萬世而余之
孜孜為民請命亦可以告無罪
矣茲奉

上檄重修邑志余雖簿書俗吏然
又豈敢以不文推諉爰取舊志
繙閱其已載者若山川之磅礴

繡錯人民之秀雅儉樸生茲地
者官斯土者代有聞人諸如名
蹟勝墟嘉卉芳植類有成書今
採其未備者續之忝酌得失攷
訂時宜詞簡而核義約而該無
滋添漏是役也邑之兩學博為

董厥政邑之舉貢監衿為勦厥
成即邑之父老子弟亦為之趨
蹌觀厥盛事誠出於公討公論
予億兆而不疑者自可垂奕禩
而不泯興志之攸係不與信史
異旨而同歸哉然此皆

各上憲仰承

聖天子究古尋今至意云爾余不敏
忝列司牧敬摠戎陋弁之簡端
惟勉勉勤勤恪共乃職善理此
土地人民政事而已是為序

時

康熙戊辰子月吉旦

文林郎知四會縣事古射州

陳欲達書於清慎堂

重修四會縣志序

魯論曰如有王者必世而後仁
程子謂文武至於成王而後禮
樂興此其效也我

朝定鼎以來四十餘年東漸西被薄
海內外教化大浹豈獨禮樂之

興哉茲者復奉

上諭令各郡縣修輯志書以備

今上徵文考獻蓋以昭一代之弘模

崇一統之盛治也四會雖蕞爾

一邑亦必有志第自明季以來

數遭兵燹紀載散軼多所遺亡

邑侯陳公稟承家學才識淵弘
來令茲土清勤克慎廉明訟簡
來暮之歌孔邇之咏再見於斯
乃躬逢修志之典重加校讐之
文夙夜冰兢黽勉從事客也承
侯嘉命共董是役兼集隘邑薦

紳旁搜叅稽諮之士庶訪之遺
逸務集衆人之知無徇一己之
見矢公矢慎潤色前所已成增
益今所未備編彙成集錄呈

邑侯以請

上憲之裁成以俟